

# INUIT ATAQATIGIIT INATSIARTUNI



UKA2022/Imm. 80  
Oktobarip 20-at 2022

## **Uunga siunnersuut:**

**Ilinniartitsisunngorlaat meeqqanut inuusuttunullu tarnikkut  
ajornartorsiutilinnut  
pitsaanerusumik sullissisinnaanngornissaat anguniarlugu  
ilinniartitsisunngorniarnermi  
tarnip pissusaa pillugu ikiuigasuarsinnaaneq aammalu meeqqat  
tarnikkut  
nappaatigisartagaat pillugit ilisimatusarneq eqqunneqarnissaat  
anguniarlugu  
Naalakkersuisut sulissuteqassallutik peqquneqarnissaat pillugu  
Inatsisartut  
aalajangiiffigisassaattut siunnersuut.  
(Inatsisartunut ilaasortaq Anna Wangenheim, Demokraatit)**

## **Oqaaseqaat**

Nunatsinni meqqaat inuusuttullu inuuniarnikkut atugaat pillugit nalunaarusiarpassuit takussutissaapput nunatsinni inuiaqatigiittut annertuumik suliassaqartugut. Akisussaaffik tamatsinniippoq. Inuiaqatigiittut iliuuseqarnissamut nukivut tamatta kattussuullugit suleqatigiinnissarput suli pitsaanerujussuusinnaasoq Inuit Ataqatigiinniit suleqataaffigissavarput.

Inuit Ataqatigiit isumaqarpugut siunnersuuteqartup qulequtsiussaa, aamma Naalakkersuisut allannguutissatut siunnersuutaat tamarmik immikkut soqutiginaateqartut. Isumaqarpugulli meerartatsinnut inuusuttatsinnullu pitsaanerpaamik angusaqarnissaq tassaassasoq tamatta

# INUIT ATAQATIGIIT INATSIARTUNI



ataatsimoorussatsinnik suleqatigiissuteqarluta aaqqiissut pitsaasoq  
meerartatsinnut inuusuttatsinnullu siuariartitsisup anguneqarnissaa.

Erseqqissarlara Siunnersuutip qulequtaa, Naalakkersuisullu allannguutissatut  
siunnersuutaat ataatsimoortillugit Inatsisartut ataatsimiititaliaanni  
suliarineqartussanngorlugit ingerlatinneqarnissaat Inuit Ataqatigiinniit  
inassutigigatsigu.

Meeqqat atuarfianni atuartut, tassa meerartavut annertuumik  
ikiorserneqarnissaminnik pisariaqartitsisut ikiorumagutsigit aamma kommunit  
ajornartorsiutaat tusaallugillu aaqqiivigineqarnissaat  
timitaleeqataaffigisariaqarpagut. Aningaasat aporfiussanngillat,  
aaqqiisoqassappat aningaasaliisoqarnissaa pisariaqartoq takoreerparput.

Nunaqarfinni meeqqat atuarfiini, illoqarfinni mikisuni avinngarusimasunilu  
meeqqat atuarfiini, aammalu illoqarfinni anginerni ilinniartitsisut meeqqallu  
akunnerminni pisariaqartitaat assigiinngisitaaqisut eqqortumik  
aaqqiivigineqarnissaat anguneqassappat iliuutsit qanoq ittut naalakkersuinikkut  
suliarineqassappat?

Inuit Ataqatigiinni isumaqarpugut Inatsisartut ataatsimiititaliaanni apeqqut  
qulaajarlugu suliarineqassasoq. Paasissutissanillu amigaateqartoqarpagut  
tamanna ataatsimiititaliap Naalakkersuisullu suleqatigiinnermikkut iliuusissanik  
ujartuifigissagaat inassutigaarput.

MIO-p nalunaarusiaanni, meeqqat inuusuttullu atugaat pillugit  
Naalakkersuisoqarfiit nalunaarusiaat, aamma pitsuussuseq pillugu  
nalunaarusiaq assersuutaasinnaapput politikkikkut naalakkersuinikkullu  
annertuumik suliaqartugut. Taamaammat sakkussanik pitsaasunik

# INUIT ATAQATIGIIT INATSISARTUNI



peqarpugut, uppernarsaatissagut naammarujussuarput, iliuuseqarnissamut piareerpugut.

Meeqqat atuarfii, kommunit, isumaginnittoqarfiit, ilinniarfiit, meeqqat illersuisuat allallu susassaqtut tamatta ataatsimoorussatsinnik anguniagassamik tikkuussinissarput suliariniartigu. Aningaasaliinissat pisariaqartinneqartut suunersut ujartussavagut, aamma kommunini isumaginnittoqarfinni ajornartorsiutit aqqinnissaat kisiat oqallisiginagu pinaveersaartitsinerit qanoq ittuunissaat erseqqilluinnartumik nalunarunnaarsittariaqarpagut.

Naalackersuinikkut alloriarneq "siulleq" tiguneqareerpoq. Meeqqat tarnikkut nappaatillit pitsaanerusumik katsorsarneqartarnissaat piviusunngortinniarlugu ukiumut 3 mio. Kr.-nit Inatsisartut aningaasanut inatsisaanni immikkoortippagut. Inuit Ataqatigiit tamanna siuariarnertut isigaarput.

Taamaammat pingaartuusoraarput inatsisitigut meeqqat pitsaasumik ilinniartitaanissaannik siunertaqarutta aamma atuarfitsialak pitsaasumik meeqqamut pissarsissutaasappat nalunaarusiani susassaqtut oqariartuutaasa aqqiivigineqarnissaat sulinermi qitiutinneqarlutik suliarineqartariaqartut.

Kommunini sulisut meeqqat atuarfianni naammattumik paasiniaasoqarneq ajornerannik nalunaarusiani oqariartuuteqarput. Tamannalu klassini eqqortumik tapersersuinissamut sanngeequtaasutut tikkuarneqarluni. Atuarfimmi ilinniartitsisut meeqqat immikkut pisariaqartitsisut pillugit klassimi aalajangersimasuniittut qanoq ilillugit inissaqartinneqarsinnaanerit pillugu ilisimasani amerlanertigut amigateqartartut MISI-mi sulisut oqaluttuarput.

# INUIT ATAQATIGIIT INATSISARTUNI



Inuit Ataqatigiit isumaqarpugut naalackersuikkersuinikkut qulakkeerneqartariaqartoq meeqqat atuarfianni klassimi meeqqat pisariaqartitsisut ikorfartortissaannik atorfeqalersitsisinnaaneq ilanngullugu ataatsimiititaliami eqqartorlugulu misissuiffigineqartariaqartoq. Takuarput aningaasaqarneq pillugu siunnersuisooqatigiit nalunaarutaanni 2017-imi saqqummersumi uppersarneqartoq meeqqat atuarfianni 3 klassimi misilitsinnermi siullermi ingerlalluannigitsut meeqqat atuarfianni inaarutaasumik misilitsinnermi pitsaannginnerusumik angusaqarnissamut ilimanaateqartartut. Tamanna ersersitsisuuvoq sulii annertuumik suliaasaqartugut. Aamma suleqatigiinneq sulii annertuumik ataqatigiissartariaqartoq, aamma kommunit peqatigilluartariaqarigut.

Naalackersuisunut siunnersuutigarpud kommunit suleqatigalugit qulakkiissagaat Ilinniartitsisumik immikkut ittumik paasisimasalimmik ilinniagaasa aamma piginnaasaasa qaffasissusaannik malunnartumik pitsanngorsaaneq, matuma ataani pingaartumik meeqqanut, kingunerlutsitsineq imaluuniit sumiginnagaaneq pissutigalugu inuunermi unammilligassalinnut atatillugu.

Ilanngullugu aamma qulakkeeqquarput, Ilinniartitsisumik immikkut ittumik paasisimasalimmik ilinniartut, sulinerminni tapersersuilluni atortunik qanoq atuinissaminnik atuartinneqartarnissaat anertusaaffigineqarlunilu periarfissagissaarnerulernissaa siunertaralugu naalackersuiinikkut iliuuseqartoqassasoq.

Inuit Ataqatigiit maluginiarparput Ilinniartitaanermut Naalackersuisoqarfiup saqqummersitaani kisitsisit kingulliit takutikkaat meeqqat immikkut ikiorserneqarnissamik pisariaqartitsisut amerlasut, akerlianillu speciallæerit ikippallaarujussuartut. Taamaattumik ilinniartitsisut aamma kommunit

# INUIT ATAQATIGIIT INATSIARTUNI



suleqatigalugit Naalakkersuisut kaammattorpagut speciallærerit sulinermit  
naammaginartumik tapersersorneqartarnersut misissussagaat.

Taamak siunnersuut oqaaseqarfigalugu Inuit Ataqatigiit inassutigaarput  
ataatsimiititaliamut susasaqartumut suliassanngorlugu ingerlatinneqassasoq.  
Ataatsimiititaliallu isumaliutissiisummini erseqqissumik partiit oqaaseqaataat  
qulajaqqissaarsimallugit suliqaassasoq kissaatigaarput.